



Kaba pyllait symbai dohkha

Kaba ai bam ia ki dohkha

- Skop bad kheri mar shibynta (1:1 ratio) man ka sngi kumba 2-3 % na ka jingkhia ka dohkha (2-3 % of the fish body weight).


Kaba ai shun bad sboh eit masi

Jingdonkam	Jingpynbynta	Por ban ai
Shun	➤ Kaba ai nyngkong - 10 mg ha ka 1 litre ka um. ➤ Kaba ai man u bnai - 5 mg ha ka 1 litre ka um.	Ha ka por ba dap um
Eit masi	370-450 kg/ Hectare ha ka 1 bnai	7 sngi ha-dien ba la ai shun

Kaba ot ia u kba bad tong iaki dohkha

Lah ban ot ia u kba bad tong ia ki dohkha ha kajuh ka por bad ha ki 4-5 bnai ba ri ia ki dohkha, ka jingmih dohkha haba khein kyllum ka long 300 - 600 kg ha ka shi hecter bad kane ka shong katkum ka jinglong ka mariang bad ka rukom sumar. Kajingmih u kba ka long 30 qt haduh 40qt ha ka shi hecter.

Lada ka um ka biang ne pahuh hadien ba la ot ia u kba, lah ban ri pynneh shuh shuh iaki dohkha bad ban ailad ba kin wad bam ha ka pynthor baroh kawei.



Kaba ot ia u kba bad tong ia ki dohkha



Ki dohkha ba tong na pynthor kba

La wad jingtip da:

Rudolf Pakyntein

SMS (Fisheries)

Afrida Lyngdoh

SMS (Agronomy)

La pynmih da:

Dr. D. Pasweth

Programme Co-ordinator
KVK, West Khasi Hills

For more information, contact:

KVK, West Khasi Hills



RICE-FISH CULTURE

(KABA RI DOHKHA HA PYNTHOR KBA)



KRISHI VIGYAN KENDRA
WEST KHASI HILLS
NONGSHILLONG, P.O. NONGSTOIN
MEGHALAYA- 793119

KABA RI DOHKHA HA PYNTHOR KBA

U kba u long u wei u jingthung ba kongsan bha jong kane ka thain jong ngi bad u ba lah ban thung ha ki jaka bapher bapher. Ka pynthor kbaba dap um ka long ka jaka kaba biang eh ban shong ia ki kynja jingthaw ba im ha um naduh ki khniang kiba bun jait haduh ki shalynnai, dohsher, dohthli bad kiwei kiwei. Kane ka pyni baka long ruh ka jaka ka babha eh naka bynta ki dohkha. Kaba ri ia ki dohkha ha ki pynthor kba ka long kaba iahap bha naka bynta ki dohkha bad kumjuh ruh naka bynta u kba bad ka wanrah shibun ki jingmyntoi khamtam ban kyntiew iaka ioh ka kot jong ki nongrep. Kane ka rukom ka long kaba suk, ka duna jinglut bad kam don jingma.

Dang shen, bun bha ki nongrep ki pynkylla pung noh iaki pynthor kba kiba seisoh na ka jingbymbanse ba ki don ka jaka kaba rit. Da ka jingiohi jngai iaki jingmyntoi ha ka liang ban kyntiew ia ka ioh ka kot, kaba ri iaki dohkha ha ki pynthor kba ka long kaba biang eh naka bynta ki nongrep bad ban nym pynshlur iaka jingpynduh noh iaki pynthor. Da kane ka rukom, u nongrep u lah ban pyndonkam ia kajuh ka pynthor ha kiar bynta, kata ban thung kba bad ban ri rynkat bad ki dohkha khlem da pynjot iaka pynthor.

Ki jingmyntoi na ka ba ri iaki dohkha ha ki pynthor kba

- i. Ka jingpahuh ka bam mariang na ka bynta ki dohkha.
- ii. Ki dohkha ki bam iaki khniang kiba bun jait kiba lah ban pynjot ia u kba.

- iii. U jyntang kba u kha kham bun da ka jingkhieh bad jingdon ki dohkha.
- iv. Da ka jingwad bam ki dohkha ha ka ktieh, ka pynmih iaka sboh kaba sahkut.
- v. Teh lakam ia ka jingmih ki phlang bad sohpoilen.
- vi. Ka bam kaba tam ba ai ia ki dohkha bad ka eit jong ki dohkha ka pynsboh iaka pynthor.



Kaba ri dohkha ha pynthor kba ha
West Khasi Hills

Kaba pynkhreh ia ka pynthor

Ka jingshna ia ka pynthor kba ka long ban tih ia ki kynja nala ne pungrit ha ki rukom kiba bapher bapher bad ban kham kyntiew sha jrong ia ki kynton kiba lah ban bat bad ban kyrshan lada ka heh um. Kine ki nala ki lah ban iapher hynrei ki don kajuh ka jingthmu kum:

- (i) Ki ai jaka rieh iaki dohkha
- (ii) Ki long ki lynti ia id jong ki dohkha

- (iii) Kapynsuk ban tong iaki dohkha lada pyllait um iaka pynthor.

- Ka jingjylliew kine nala kim dei ban duna iaka 0.5 m (1.6 ft) bad 1 m (3.2 ft) ka jingiar. Ki nala kim dei ban heh palat.
- Ka um ka dei ban pahuh bad ha ki jaka ba mih kba, ka jingjylliew kam dei ban duna iaka 10-15 cm (4-6 inch) hadien ba la pyllait dohkha.
- Ki nur ki dei ban long kiba khlain bad kham jrong.
- Dei ruh ban shna ia ki jaka pynrung bad pynmih um (Inlet & outlet) ban the lakam ia ka jingshlei bad jingjylliew ka um.

Kaba thung ia u kba

Kaba bet ne thung ia u kba la leh ynda ki jingpynkhreh iaka pynthor ki la biang lut. Hynrei ka kham bha da kaba shu sara bad thung ia u kba namar ka jingmih u kba ka kham bun bad ki doh kha ruh ki ioh lad ban jngi kylluid khamtam ha ka por wad bam. Ka jingpyniar ha ka por thung ia u kba ka long kumba 25-30 cm (10-12 inch) na u wei u lain sha u wei pat.

Kaba buh dohkha

- Iaki dohkha la pylliat hadien 15-20 sngi ba lah thung ia u kba ha ka por baki thied ki lah suh bha bad ha ka por ba ka pynthor ka dap um.
- Thep symbai dohkha - 4000 tylli, lane 6000-7500 tylli ha ka shi hectare.
- Jait dohkha – kha dkhar (common carp), kha silver (Silver carp), kha mirka (mrigal), kha ski (gonius), bad kiwei kiwei.